

**Давлат ҳокимияти ва бошқаруви органлари ҳузуридаги
жамоатчилик кенгашлари фаолияти
самарадорлигини рейтинг баҳолаш
МЕТОДИКАСИ**

Мазкур Методика давлат ҳокимияти ва бошқаруви органлари ҳузуридаги жамоатчилик кенгашлари (бундан буён матнда – жамоатчилик кенгашлари деб юритилади) фаолияти самарадорлигини рейтинг баҳолаш тартибини белгилайди.

1-боб. Умумий қоидалар

1. Давлат ҳокимияти ва бошқаруви органлари ҳузуридаги жамоатчилик кенгашлари фаолияти самарадорлигини рейтинг баҳолаш методикаси (бундан буён матнда – Методика деб юритилади) тавсиявий хусусиятга эга бўлиб, жамоатчилик кенгашлари томонидан амалга оширилаётган ишлар самарадорлигини ўзини ўзи баҳолаш усули орқали аниқлаш ва эришилган самарадорлик кўрсаткичлари бўйича кенг жамоатчиликнинг ҳолисона баҳосини олиш мақсадида ишлаб чиқилган.

2. Жамоатчилик кенгашларининг фаолияти йилда икки маротаба мазкур Методикада белгиланган самарадорликни рейтинг баҳолашнинг асосий кўрсаткичлари асосида баҳолаб борилади.

3. Жамоатчилик кенгашларининг самарадорлик бўйича рейтингини шакллантириш улар фаолиятининг айрим жиҳатларини (миқдор ва сифат кўрсаткичларини) муайян мезонларга кўра ҳар томонлама таҳлил қилиш ва баҳолаш оқали амалга оширилади.

4 Жамоатчилик кенгашлари фаолияти самарадорлигини рейтинг баҳолаш жараёни қуйидаги тамойилларга асосланади:

- очиқлик ва шаффофлик;
- қулайлик (баҳолаш онлайн ва оффлайн шаклда ҳам ташкил этилади);
- камситишга йўл қўймаслик;
- кенг қамровлилик (жамиятнинг барча тоифадаги аъзолари иштироки);
- ҳисобдорлик.

2-боб. Рейтинг баҳолашнинг мақсад ва вазифалари

5. Методика қуйидаги мақсадларни қамраб олади:

1) жамоатчилик кенгашлари фаолиятини такомиллаштириш, унга фаол ва тизимли тус бериш;

2) жамоатчилик кенгашлари фаолияти самарадорлигини ўз-ўзини баҳолаш воситаси ёрдамида амалга ошириш;

3) жамоатчилик назоратини амалга оширишнинг ошкоралиги ва очиқлигини таъминлаш, жамоатчилик кенгашлари фаолиятига фуқаролар томонидан холис баҳо бериш имкониятини яратиш;

4) жамоатчилик назорати субъектлари, давлат ҳокимияти ва маҳаллий ўзини-ўзи бошқариш органлари, оммавий ахборот воситалари ўртасидаги ахборот ҳамкорлигини такомиллаштириш.

6. Қуйидагилар давлат ҳокимияти ва бошқаруви органлари ҳузуридаги жамоатчилик кенгашлари фаолияти самарадорлигини рейтинг баҳолашнинг асосий вазифалари ҳисобланади:

давлат ҳокимияти ва бошқарув органлари фаолияти устидан жамоатчилик назоратини амалга ошириш ва улар фаолиятининг асосий йўналишлари юзасидан жамоатчилик экспертизасини ўтказиш бўйича жамоатчилик кенгашларининг ролини ошириш;

фаолиятнинг айрим соҳаларида давлат сиёсатини ишлаб чиқишда тармоқлараро ва идоралараро ўзаро ҳамкорликни кучайтириш;

жамоатчилик кенгашлари фаолиятининг самарадорлигини баҳолашни ўз-ўзини назорат қилиш орқали амалга ошириш;

жамоатчилик кенгашлари фаолиятига кенг жамоатчилик ва оммавий ахборот воситаларининг эътиборини жалб қилиш.

3-боб. Давлат ҳокимияти ва бошқаруви органлари ҳузуридаги жамоатчилик кенгашлари фаолияти самарадорлигини рейтингини шакллантириш ишларини ташкил этиш

7. Жамоатчилик кенгашлари фаолияти самарадорлигини рейтинг баҳолаш ишларини ташкил этиш ҳар йили июнь ва декабрь ойларининг 10-санасига қадар жамоатчилик кенгашини ташкил этган давлат ҳокимияти ёки бошқаруви органи (бундан буён – ваколатли орган) раҳбарининг буйруғи асосида жамоатчилик кенгаши фаолиятини рейтинг баҳолаш бўйича комиссия (бундан буён – комиссия) тузиш орқали амалга оширилади. Комиссия

таркибига келишув асосида ваколатли орган вакиллари, нодавлат нотижорат ташкилотлари ҳамда оммавий-ахборот вакиллари киритилиши мумкин.

Бунда ваколатли орган вакиллари комиссия таркибининг учдан бир қисмини ташкил этиши ҳамда комиссия аъзолари рўйхати мазкур ташкилотнинг расмий веб-сайтида олдиндан эълон қилиниши лозим.

8. Комиссия томонидан жамоатчилик кенгашлари фаолияти самарадорлигини баҳолаш рейтинги бўйича якуний натижалар асослантирувчи ҳужжатлари билан биргаликда баҳолаш ишлари ўтказилаётган ойнинг 25-санасига қадар ваколатли орган раҳбари ҳамда жамоатчиликка тақдим этилиши лозим.

Бунда маълумотларнинг комиссияга белгиланган муддатдан кечикмай, сифатли ва тўғри тақдим этилиши учун кенгаш аъзолари ҳамда ваколатли орган раҳбари масъул ҳисобланади.

9. Жамоатчилик кенгашлари фаолияти самарадорлиги рейтингини аниқлашга оид маълумотлар ва уларнинг асослантирувчи ҳужжатлари комиссия томонидан қўшимча ўрганилиши мумкин.

Асослантирувчи ҳужжатлари мавжуд бўлмаган, шунингдек ҳақиқатга тўғри келмайдиган ёки асоссиз маълумотлар рейтингни ҳисоблашда инобатга олинмайди.

4-боб. Методикани қўллаш шартлари

10. Жамоатчилик кенгашлари фаолияти самарадорлигини рейтинг баҳолаш мезонлари қонунчилик ҳужжатлари билан жамоатчилик кенгашларига юклатилган вазифа ва функцияларга асосланади.

11. Жамоатчилик кенгашлари фаолияти самарадорлиги рейтинг баҳоси қуйидаги манбалар асосида шакллантирилади:

- жамоатчилик кенгашларининг фаолияти тўғрисидаги ҳисоботлар;
- жамоат бирлашмалари ва бошқа нодавлат нотижорат ташкилотларнинг берган баҳоси, таклиф ва мулоҳазалари.

12. Жамоатчилик кенгашлари фаолияти самарадорлигини рейтинг баҳолаш бўйича миқдор ва сифат кўрсаткичларини ҳисоблаш тартиби ушбу Методика иловасида белгиланган мезонларга мувофиқ амалга оширилади.

13. Жамоатчилик кенгашлари мазкур Методика намунаси асосида ўз методикаларини ишлаб чиқишлари ҳамда унинг қоидаларини такомиллаштириш мақсадида ваколатли орган раҳбарининг розилиги билан ўзгартириш ва қўшимчалар киритишлари мумкин.

14. Комиссия томонидан жамоатчилик кенгашлари фаолияти самарадорлигини рейтинг баҳолаш бўйича олинган якуний натижалар жамоатчилик кенгашига маълумотнома кўринишида, жамоатчилик кенгашини ташкил этган ваколатли орган раҳбарига эса таҳлилий маълумотнома шаклида тақдим этилади.

15. Жамоатчилик кенгашлари томонидан жамоатчилик кенгашлари фаолияти самарадорлигини рейтинг баҳолаш натижалари ҳар олти ойда ваколатли органнинг расмий веб-сайтида жойлаштирилади ҳамда рейтинг натижалари ҳақида жамоатчиликка маълумот берилади.

5-боб. Жамоатчилик кенгашлари фаолияти самарадорлиги рейтинг балларини ҳисоблаш тартиби

16. Рейтингни ҳисоблаш Методика иловасида келтирилган баҳолаш мезонлари асосида математик методлар орқали ҳар бир кўрсаткич бўйича алоҳида ҳисобланади.

17. Комиссия аъзолари рейтинг баҳолаш натижалари бўйича хулоса берганда қонунчилик ҳужжатларида назарда тутилган қуйидаги умумий талабларни инобатга олиши зарур:

а) Жамоатчилик кенгаши фаолиятидан аҳолининг манфаатдорлиги, фуқаролар билан жамоатчилик кенгаши ўртасида ўзаро самарали ҳамкорликни йўлга қўйилганлиги.

Бунда комиссия аъзолари томонидан жамоатчилик кенгашининг фуқаролар, нодавлат нотижорат ташкилотлар ҳамда фуқаролик жамиятининг бошқа институтлари билан ўзаро алоқалари, ахборот ресурслари, расмий веб-сайтлар ёки ижтимоий тармоқларда жамоатчилик кенгаши фаолиятига оид чоп этилган муайян мавзулардаги материаллар, уларнинг ижтимоий тармоқлар ва ахборот платформаларида фойдаланиш учун жойлаштирилганлик ҳолатларини мониторинг қилиш орқали хулоса қилинади.

б) Жамоатчилик кенгаши томонидан жамоатчилик муҳокамаси пайтида берилган таклифларнинг расмий қарорларда ёки қабул қилинган меъёрий ҳужжатларда инобатга олинганлиги.

Ушбу кўрсаткич жамоатчилик кенгаши томонидан билдирилган изоҳ ва таклифларга мос келадиган ўзгаришларни қарорларнинг якуний версиясини (расмий ҳужжатлар) таққослаш орқали аниқланади;

в) жамоатчилик кенгашини ташкил этган ваколатли орган фаолияти жамоатчилик кенгашлар томонидан кўтарилган масалалар орқали

яхшиланганлиги ҳолати (жамоатчилик назорати ёки жамоатчилик экспертизаси орқали).

Ушбу кўрсаткич бўйича ваколатли орган фаолияти ва қонунчилик ҳужжатларига ўзгартириш ва қўшимча киритиш бўйича жамоатчилик кенгашлари томонидан берилган ташаббуслар кўриб чиқилади.

18. Методика иловасида келтирилган баҳолаш мезонлари асосида ҳар бир кўрсаткич юзасидан тўпланган умумий баллардан қуйидагича рейтинг шакллантирилади:

- 60 балл ва ундан юқори бўлганда – аъло;
- 40 баллдан 59 баллгача бўлганда – яхши;
- 21 баллдан 39 баллгача бўлганда – қониқарли;
- 20 дан кам балл бўлганда – қониқарсиз.

19. Рейтинг баҳолаш натижалари Комиссия йиғилишида баённома билан расмийлаштирилади. Бунда комиссия мажлиси баённомасини расмийлаштириш комиссия котиби томонидан амалга оширилади.

20. Комиссия йиғилиши баённомаси шу вақтнинг ўзида комиссиянинг ҳар бир аъзоси томонидан имзоланади ҳамда тасдиқлаш учун комиссия раисига тақдим этилади.

21. Комиссия котиби комиссия раиси томонидан тасдиқланган баённома билан барча масъул ходимларни шу куннинг ўзида таништириши шарт.

6-боб. Яқуний қоидалар

22. Рейтинг натижаларига оид маълумотлар жамоатчилик кенгашлари ишчи органида уч йил давомида сақланади.

23. Мазкур Методика Ўзбекистон Республикаси Президенти Администрацияси ҳузуридаги Ахборот ва оммавий коммуникациялар агентлиги билан келишилган.

Давлат ҳокимияти ва бошқаруви органлари
хузуридаги жамоатчилик кенгашлари
фаолияти самарадорлигини рейтинг
баҳолаш Методикасига
ИЛОВА

**Жамоатчилик кенгашлари фаолияти самарадорлигини рейтинг
баҳолашга оид асосий кўрсаткичларни ҳисоблаш тартиби**

T/p	Меъзон ва кўрсаткичлар	Баҳолаш мезони		
		Кўрсаткичларнинг бажарилиш ҳолати (__ ярим йиллик бўйича)	Якуний натижа	
I. Ўзбекистон Республикаси Президентининг 2018 йил 4 июлдаги “Давлат органлари ҳузурида жамоатчилик кенгашлари фаолиятини ташкил этиш чора-тадбирлари тўғрисида” ги ПҚ–3837-сон қарорига мувофиқ жамоатчилик кенгаши фаолиятини ташкил этиш ҳолати бўйича				
1.	жамоатчилик кенгаши фаолиятини уни ташкил этган давлат органи раҳбарининг қарори билан тасдиқланган намунавий Низомга мувофиқ ташкил этиш	намунавий Низом ишлаб чиқилган	“2” балл	қониқарли
		ишлаб чиқилмаган	“0” балл	қониқарсиз
2.	жамоатчилик кенгаши таркибига давлат органида намунали хизмат қилган меҳнат фахрийлари, жамоатчилик фаолиятида катта амалий тажрибага эга нуфузли фуқаролар, шунингдек, нодавлат нотижорат ташкилотлари, оммавий ахборот воситалари ва бошқа фуқаролик жамияти институтларидан вакилларни киритиш	жамоатчилик кенгаши таркибида шундай вакиллар мавжуд	“4” балл	яхши
		жамоатчилик кенгашида бундай вакиллар йўқ	“0” балл	қониқарли
3.	жамоатчилик кенгаши таркиби тўғрисидаги маълумотларни давлат органининг расмий веб-сайтида эълон қилиш	давлат органининг расмий веб-сайтида эълон қилинган	“1” балл	қониқарли
		эълон қилинмаган	“0” балл	қониқарсиз
4.	жамоатчилик кенгаши фаолиятида ишчи (эксперт) гуруҳлар ташкил этиш ва тажрибали мутахассисларни жалб қилиш	ишчи (эксперт) гуруҳлар ташкил этилган	“1” балл	қониқарли
		ишчи (эксперт) гуруҳлар ташкил этилмаган	“0” балл	қониқарсиз
5.	жамоатчилик Кенгашининг йиллик тасдиқланадиган иш режаларининг мавжудлиги	иш режа шакллантирилган	“1” балл	қониқарли
		иш режа шакллантирилмаган	“0” балл	қониқарсиз

II. Жамоатчилик кенгаши йиғилишларининг сони ва шакли

1.	Жамоатчилик кенгашини ташкил этган давлат органи фаолиятини ўрганиш ва уни яхшилаш борасида таклифлар ишлаб чиқиш бўйича жамоатчилик кенгаши мажлисларини ташкил этиш (ҳисобот даври бўйича)	Мажлислар ташкил этилган, давлат органига таклифлар тақдим этилган	“5” балл	яхши
		Мажлислар ташкил этилган, таклифлар тақдим этилмаган	“2” балл	қониқарли
		Мажлислар ташкил этилмаган, таклифлар мавжуд эмас	“0” балл	қониқарсиз
2.	Давлат органлари фаолиятининг очик, шаффоф ишлаши, амалдорларнинг халқ олдида ҳисобдорлиги, давлат ташкилотларида бюджетнинг оқилона сарфланишининг самарали механизмларини йўлга қўйиш истикболлари бўйича фуқаролик жамияти институтлари билан турли хил тадбирлар ташкил этиш (илмий-назарий, илмий-амалий конференциялар, “давра суҳбати”, семинарлар ва б.)	жамоатчилик кенгаши томонидан илмий-назарий ва илмий-амалий конференциялар ўтказилган	“3” балл	қониқарли
		жамоатчилик кенгаши томонидан “давра суҳбати” ва семинарлар ўтказиш	“1” балл	қониқарли
3.	жамоатчилик кенгашлари томонидан нуфузли халқаро ташкилотлар, шунингдек, хорижий давлатлар фуқаролик жамияти институтлари билан ҳамкорликда фаолиятни яхшилаш, бу борада хориж тажрибасини ўрганиш юзасидан тадбирлар ўтказиш (бевосита ёки онлайн тарзда)	тадбир ўтказилган	“2” балл	қониқарли
		тадбир ўтказилмаган	“0” балл	қониқарсиз
4.	ижтимоий шерикликни амалга ошириш билан боғлиқ масалаларни кўриб чиқиш бўйича жамоатчилик кенгаши ташаббуси билан ташкил этилган тадбирлар	тадбир ўтказилган	“2” балл	қониқарли
		тадбир ўтказилмаган	“0” балл	қониқарсиз
5.	давлат дастурлари, ижтимоий соҳалар ва ҳудудларни ривожлантириш бўйича қабул қилинган қарорлар ижроси бўйича давлат органи томонидан амалга оширилган ишлар юзасидан жамоатчилик назоратини олиб бориш	жамоатчилик назорати ўтказилган	“3” балл	қониқарли
		жамоатчилик назорати ўтказилмаган	“0” балл	қониқарсиз
III. Давлат ҳокимияти органларининг ўз фаолиятини инновацион ёндашувлар асосида йўлга қўйиши, ўз йўналишларида дастур ва режаларни ишлаб чиқиши, шунингдек, уларни амалга ошириши жараёнларида жамоатчилик кенгашлари иштироки				
1.	давлат органининг ўз иш режалари (стратегиялар, давлат дастурлари асосида	хабардор қилинган	“2” балл	қониқарли

	тайёрланган “йўл харитаси”) тўғрисида жамоатчилик кенгашини хабардор қилиши	хабардор қилинмаган	“0” балл	қониқарсиз
2.	давлат органи таркибий бўлинмалари томонидан жамоатчилик кенгашини ўз режалари ва фаолияти тўғрисида доимий хабардор қилиб бориши	хабардор қилинган	“2” балл	қониқарли
		хабардор қилинмаган	“0” балл	қониқарсиз
3.	жамоатчилик кенгашининг уларни ташкил этган давлат органининг муҳим масалаларда ўтказилган йиғилишларида иштирок этиши	иштирок этган	“1” баллгача	қониқарли
		иштирок этмаган	“0” балл	қониқарсиз
4.	жамоатчилик кенгашининг раҳбари ёки аъзоларининг давлат органи ҳузуридаги доимий коллегиял органга киритилганлиги	киритилган	“1” балл	қониқарли
		киритилмаган	“0” балл	қониқарсиз
IV. Жамоатчилик кенгаши йиғилишларида кўрилган масалаларнинг долзарблиги ва аҳамияти				
1.	йиғилишларда кўриб чиқиладиган масалаларнинг оммавий аҳамияти, бугунги кундаги долзарблигини баҳолаш	долзарб	“2” баллга	қониқарли
		долзарб эмас	“0” балл	қониқарсиз
2.	Жамоатчилик кенгаши томонидан амалга оширилган ишларнинг қонун ҳужжатлари билан улар зиммасига юклатилган вазифа ва функцияларга мувофиқлик ҳолатини ўрганиш	мувофиқ	“1” баллгача	қониқарли
		мувофиқ эмас	“0” балл	қониқарсиз
3.	йиғилишларда кўтарилган муаммолар бўйича таклифлар ишлаб чиқиш	таклифлар берилган	“1” балл	қониқарли
		Таклифлар берилмаган	“0” балл	қониқарсиз
V. Жамоатчилик кенгашларининг очиқлик ва ошкоралик тамойилларига риоя қилиши, фаолиятининг натижалари бўйича жамоатчиликка ҳисобот бериб бориши				
1.	жамоатчилик кенгаши фаолияти ҳақида республика, вилоят телеканалларида чиқишлар қилиш	иштирок этилган	“1” балл	қониқарли
		иштирок этилмаган	“0” балл	қониқарсиз
2.	жамоатчилик кенгаши фаолияти ҳақида республика, вилоят миқёсидаги радио каналларида чиқишлар қилиш	иштирок этилган	“1” балл	қониқарли
		иштирок этилмаган	“0” балл	қониқарсиз
3.	жамоатчилик кенгаши фаолияти ҳақида республика, вилоят миқёсидаги нашрларда материаллар чиқариш	чоп этилган	“1” балл	қониқарли
		чоп этилмаган	“0” балл	қониқарсиз
4.	давлат органи сайтларида жамоатчилик кенгаши фаолиятини ёритиб бориш	маълумотлар жойлаштирилган	“1” балл	қониқарли
		маълумотлар жойлаштирилмаган	“0” балл	қониқарсиз

VI. Жамоатчилик кенгашининг фуқароларнинг, нодавлат нотижорат ташкилотларининг ва фуқаролик жамиятининг бошқа институтларининг давлат органи фаолиятига тааллуқли масалалар юзасидан келиб тушган мурожаатларини ташаббусларини, шунингдек, улар бўйича давлат органига киритилган тегишли таклифларини кўриб чиқишдаги иштироки				
1.	келиб тушган мурожаатлар бўйича амалга оширилган ишлар таҳлили асосида	фуқароларнинг келиб тушган ташаббус ва мурожаатлар кўриб чиқишда иштирок этган	“2” балл	қониқарли
		нодавлат нотижорат ташкилотлардан келиб тушган ташаббус ва мурожаатлар кўриб чиқишда иштирок этган	“2” балл	қониқарли
		давлат органларига киритилган тегишли таклифларни кўриб чиқишда иштирок этган, ўз фикр-мулоҳазаларини берган	“1” балл	қониқарли
		иштирок этмаган	“0” балл	қониқарсиз
VII. Жамоатчилик назоратини амалга ошириш, назорат якунлари бўйича давлат органига якуний ҳужжатларни тайёрлаш ва натижалари бўйича чора-тадбирларни амалга ошириш				
1.	жамоатчилик кенгаши томонидан ўтказилган жамоатчилик муҳокамаси, жамоатчилик ўшитуви, жамоатчилик мониторинги, жамоатчилик экспертизаси, жамоатчилик фикрини ўрганиш ҳолати	ўтказилган	“2”балл	қониқарли
		ўтказилмаган	“0” балл	қониқарсиз
2.	жамоатчилик назорати натижаларига кўра тайёрланган якуний ҳужжатлар мавжудлиги (таҳлилий маълумотнома, шарҳлар, протоколлар, таклифлар, тавсиялар)	мавжуд	“1” балл	қониқарли
		мавжуд эмас	“0” балл	қониқарсиз
3.	фуқароларнинг ҳуқуқ ва эркинликлари, жамоат бирлашмалари, нодавлат нотижорат ташкилотлари ва фуқаролик жамиятининг бошқа институтларининг ҳуқуқлари ва қонуний манфаатлари бузилиши ҳолатлари аниқланган ҳолларда суд ва ҳуқуқни муҳофаза қилувчи органларга тегишлилигига кўра маълумотларни юбориш	юборилган	“1” балл	қониқарли
		юборилмаган	“0” балл	қониқарсиз
VIII. Жамоатчилик кенгашининг фуқаролар, жамоат бирлашмалари, нодавлат нотижорат ташкилотлари ва бошқа фуқаролик жамияти институтлари билан алоқаси				
1.	жамоатчилик кенгаши аъзолари томонидан фуқароларни қабул қилишни ташкил этиш	мунтазам	“5” балл	яхши
		ҳафта бир марта	“3” балл	қониқарли

		умуман ташкил этилмаган	“0” балл	қониқарсиз
2.	жамоатчилик кенгашининг давлат органи раҳбари томонидан фуқароларни қабул қилиш жараёнларида иштирок этиши	иштирок этган	“2” балл	қониқарли
		иштирок этмаган	“0” балл	қониқарсиз
IX. Жамоатчилик кенгашининг уни ташкил этган давлат органи билан фаолиятни биргаликда йўлга қўйиш бўйича ҳамкорлиги				
1.	давлат органи билан фаолиятига оид норматив-ҳуқуқий ҳужжатларни такомиллаштириш бўйича таклифлар ишлаб чиқиш, шунингдек, давлат органи томонидан фуқаролар ҳуқуқ ва манфаатларига зид тарзда ишлаб чиқилган норматив-ҳуқуқий ҳужжатлар, йўриқномалар, низом ва бошқа ҳужжатлар ишлаб чиқилганда уларни бартараф этиш бўйича таклифлар киритиш	норматив-ҳуқуқий ҳужжатларни кўриб чиқиш ва талифлар киритиш	“3” балл	яхши
		йўриқнома, низом ва бошқа ҳужжатларни кўриб чиқиш ва таклифлар киритиш	“2” балл	қониқарли
		кўриб чиқилмаган, таклифлар киритилмаган	“0” балл	қониқарсиз
2.	давлат органи фаолияти бўйича “йўл хариталари”, иш-режаларини ва уларнинг бажарилиши ҳақидаги ҳисоботларни кўриб чиқиш	“йўл хариталари”, иш-режаларини кўриб чиқиш	“2” балл	қониқарли
		иш-режалар ижросига тааллуқли ҳисоботларни кўриб чиқиш	“2” балл	қониқарли
		кўриб чиқилмаган	“0” балл	қониқарсиз
3.	давлат дастурлари, ҳаракат режалари ва давлат органи фаолияти билан боғлиқ бошқа ҳужжатлар лойиҳаларини ишлаб чиқиш бўйича жамоатчилик кенгаши томонидан эшитувлар ўтказилганлиги, таклифлар ишлаб чиқилганлиги	жамоатчилик эшитуви ўтказилган, таклифлар ишлаб чиқилган	“1” балл	қониқарли
		ўтказилмаган	“0” балл	қониқарсиз
4.	давлат дастури ва бошқа дастурларни ишлаб чиқиш ҳамда амалга оширишда иштирок этиш, давлат қўмитаси фаолиятида коррупцияга қарши курашиш, коррупцияга қарши курашиш бўйича олиб борилаётган ишларни мониторинг қилиш ва таҳлил қилиш соҳасида, шунингдек, уларнинг натижалари бўйича таклифлар тайёрлаш	коррупцияга қарши курашиш бўйича семинарлар, давра суҳбатлари, йиғилишларда иштирок этиш	“2” балл	қониқарли
		Давлат органида коррупцияга қарши курашиш ишлари бўйича мониторинг олиб бориш, таклифлар ишлаб чиқиш	“2” балл	қониқарли

		иштирок этилмаган, таклифлар берилмаган	“0” балл	қониқарсиз
5.	жамоатчилик кенгаши томонидан давлат органининг давлат харидлари ҳамда кадрлар билан ишлаш самарадорлигини баҳолаб борилиши	Амалга ошириладиган харидлар (товарлар, ишлар ва турли хизматлар бўйича) муҳокамасида иштирок этиш	“2” балл	қониқарли
		Ходимлар томонидан одоб- ахлоқ қоидаларига ҳамда манфаатлар тўқнашувини олдини олиш талабларига риоя этилиши бўйича комиссиялар фаолиятида иштирок этиш	“1” балл	қониқарли
		Иштирок этмаган	“0” балл	қониқарсиз
Х. Давлат органи фаолиятига доир масалалар бўйича фуқаролар ўртасида ўтказиладиган тушунтириш ишлари ва маънавий-маърифий тадбирларда иштирок этиш, уларнинг самарадорлигини ошириш бўйича таклифлар ишлаб чиқиш				
1.	фуқаролар орасида тушунтириш ишлари ва маънавий-маърифий тадбирлар ўтказишда иштирок этиш	иштирок этган	“2” балл	қониқарли
		иштирок этмаган	“0” балл	қониқарсиз
		ишлаб чиққан	“2” балл	қониқарли
		ишлаб чиқмаган	“0” балл	қониқарсиз
2.	жамоатчилик кенгаши йиғилишларида нодавлат нотижорат ташкилотлари ва фуқаролик жамияти бошқа институтларининг мурожаатлари кўриб чиқиш	кўриб чиқилган	“1” балл	қониқарли қониқарли
		кўриб чиқилмаган	“0” балл	қониқарсиз
3.	давлат органи томонидан оммавий хусусиятга эга қарорлар қабул қилиш жараёнларида фуқароларнинг таклиф ва мулоҳазалари билан иштирок этиши бўйича яратилган шарт-шароитларни ўрганиш ва уларни такомиллаштириш бўйича таклифлар ишлаб чиқиш	таклифлар мавжуд	“1” балл	қониқарли
		таклифлар мавжуд эмас	“0” балл	қониқарсиз
4.	фуқароларнинг ҳуқуқлари, эркинликлари ва қонуний манфаатларига таъсир этувчи энг муҳим масалалар бўйича ижтимоий	ижтимоий сўровномалар ўтказилган	“2” балл	қониқарли

	сўровномалар ўтказиш (шу жумладан ахборот -коммуникация технологияларидан фаол фойдаланиш), натижасига кўра таклифлар ишлаб чиқиш	ижтимоий сўровномалар ўтказилмаган	“0” балл	қониқарсиз
XI. Мамлакатни соҳалар ва ҳудудлар кесимида ижтимоий-иқтисодий ривожлантириш бўйича норматив-ҳуқуқий ҳужжатлар ишлаб чиқиш, дастурлар тасдиқлаш ва уларни амалга оширишда жамоатчилик кенгашларининг давлат органлари, нодавлат нотижорат ташкилотлари ва фуқаролик жамияти институтлари билан ўзаро ҳамкорлиги				
1.	ижтимоий шериклик субъектлари (давлат органлари, нодавлат нотижорат ташкилотлари ва фуқаролик жамиятининг бошқа институтлари) билан ижтимоий шериклик тўғрисидаги битим ва шартномалар тузиш, биргаликда лойиҳа ва режалар ишлаб чиқиш ва амалга ошириш	шартнома ва келишувлар тузилган	“2” балл	қониқарли
		шартнома ва келишувлар тузилмаган	“0” балл	қониқарсиз
2.	одавлат нотижорат ташкилотлари ва фуқаролик жамиятининг бошқа институтлари билан ижтимоий шериклик доирасида ижтимоий-иқтисодий ривожланиш дастурларини ишлаб чиқиш ва амалга ошириш жараёниларида иштирок этиш.	дастур ишлаб чиқилган	“2” балл	қониқарли
		дастур амалга оширилган	“2” балл	қониқарли
		дастур ишлаб чиқилмаган	“0” балл	қониқарсиз
3.	ижтимоий шериклик доирасида норматив-ҳуқуқий ҳужжатларни ишлаб чиқиш ва бу борада дастурларни амалга ошириш бўйича нодавлат нотижорат ташкилотлари ва бошқа фуқаролик жамияти институтлари билан ҳамкорлик қилиш	дастур ишлаб чиқилган	“2” балл	қониқарли
		дастур амалга оширилган	“2” балл	қониқарли
		дастур ишлаб чиқилмаган	“0” балл	қониқарсиз
4.	ижтимоий шериклик субъектлари билан ҳамкорликда тадбирлар, маслаҳатлашувлар ва музокараларда иштирок этиш	иштирок этган	“1” балл	қониқарли
		иштирок этмаган	“0” балл	қониқарсиз